

SIUNNERSUUT

KOMMUNIMUT PILERSAARUMMUT TAPILIUSSAQ 2B1-2 INDUSTRIVEJ, NUUK
JANUAARI 2023.



KOMMUNEQARFIK SERMERSOOQ

Sanarfinermut Avatangiisinullu Ingerlatsivik
Forvaltning for Anlæg og Miljø

KOMMUNIMUT PILERSAARUMMUT TAPILIUSSAQ SUNAAVA?

Kommunip pilersaarutaa kipisuitsumik ingerlatsineruvoq aamma taamaattumik Kommunalbestyrelse inatsisit naapertorlugit (Pilersaarusiorneq aamma nunaminertat atornerqartarnerat pillugit Inatsisartut inatsisissaat nr. 17, 17. november 2010-meersoq) kommunip pilersaarutaani pisariaqartut pillugit nutarterinissanik nalunaarsuissalluni pisussaaffeqarpoq. Nutarterineq taanna ingerlanneqartarpoq kommunip pilersaarutaanut allannguutinik pineqartunik imaluunniit pilersaarummut ilassutissanik nutartikkanik ilanngussiuarnikkut.

Taamaalilluni Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik sukkulluunniit suliaqarsinnaatitaavoq. Taamaattoq taakku saniatigut Kommunalbestyrelse pisussaavoq kommunimut pilersaarummut tapiliussamik immikkut aalajangersakkanik imalimmik suliaqassalluni:

- Nuna tamakkerlugu pilersaarusiornepur kommunillu pilersaarusiornepurata piviusunngortinnissaanut qulakkeerinissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit isaterilinnginnermi.

Kommunimut pilersaarummut tapiliussaq marlunnik immikkoortortaqarpoq nassuiaat aamma aalajangersakkanut tunngasut.

- **NASSUIAAMMI KOMMUNIMUT PILERSAARUMMUT** tapiliussami siunertat inatsisitigullu sunniutit aamma pilersaarut pilersaarusiornepur allanut sanilliullugu qanoq inissisimanersoq allaaserineqassapput.
- **AALAJANGERSAKKANUT TUNNGASUT *imaraat pilersaarutip piviusunngortinnissaanut aalajangersakkat malinneqartussat allaaserinerat.*** Aalajangersakkat immikkoortinneqarput imaasillugit aalajangersakkat pingaarnerit aamma aalajangersakkat sukumiisunik nassuiaatitallit. Aalajangersakkat tamarmik inatsisitigut pituttugaapput, taamaattoarli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigut aalajangersagartaa inatsisitigut pituttuisunik ilanngussanik nunap assitaqarpoq.

TAMANUT SAQQUMMIUSSINEQ

Kommunimut pilersaarummut tapiliussap inaarutaasumik akuerineqannginnerani kommunalbestyrelsimit tapiliussassatut siunnersuut tamanut nalunaarutigineqassaaq, taamaalillutik innuttaasut soqutiginnittullu allat pilersaarutip imarisaanik paasiniaasinnaatillugit immaqalu aamma pilersaarut pillugu oqaaseqaateqarsinnaallutik akerliussuteqarsinnaallutilluunniit. Tamatuma kingorna pilersaarutip inaarutaasumik akuersissutigineqannginnerani Kommunalbestyrelsip akerliliissutaasinnaasut allannguutissatullu siunnersuutaasinnaasut nalilersussavai.

Una Kommunimut pilersaarummut tapiliussassatut siunnersuut **2B1-2** tamanut tusarniaassutigalugu saqqummiunneqarpoq, piffissami **8. februar 2023 - 22. marsi 2023 tungaanut**. Oqaaseqaatit kingusinnerpaamik ulloq **22. marsi 2023** nassiunneqassapput, uunga:

PLAN@SERMERSOOQ.GL

PILERSAARUT SUMI ATUARNEQARSINNAAVA?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl -imi atuarsinnaavat, kommunip innuttaasunik kiffartuussivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900, Nuuk oqarasuaat 36 74 00-imut saaffiginnillutit pissarsiarisinnaavat.


IMARISAI

1. NASSUIAAT	5
1.1 PILERSAARUSIORFIK	5
1.2 SIUNERTAT TUNNGAVIUSULLU	6
1.3 PISSUTSIT ATUUTTUT	6
1.4 PILERSAARUMMI PINGAARNERIT	9
1.5 PILERSAARUSIAMUT ALLAMUT TUNNGASUT	13
1.6 PILERSAARUMMUT TAPILIUSSAP INATSISITIGUT ATUUFFII	14
2. AALAJANGERSAKKAT	16
3. AKUERSISSUTIGINERANI ATSIORNERIT	22
4. ILANNGUSSAQ 1-2	23 - 24

1. NASSUIAAT

1.1 PILERSAARUSIORFIK

Pilersaarusiorfik qaqqajunnat marluk akornanni qooruartami inissisimavoq, illuatunganiilluni Nuuk illuanilu Nuussuaq.



Takussutissiaq 1. : Pilersaarusiorfik taakkunungalu atasut immikkoortut ilaat.

1.2 SIUNERTAT AAMMA TUNNGAVITTUT PERIUTSIT

Kommunimut pilersaarummut tapiliusseq una immikkoortup ilaanut pilersaarummik nutarterineruvoq, inuussutissarsiuteqarfittullu atuuffianik attassinissamut kiisalu piffissamut naleqquttumik ineriartortitsinissap qulakkeerneqarnissaa siunertaavoq.

Pilersaarummi siunertat tunngaviillu:

- Nunaminertani arlalinni ataqatigiissumik sanaartorfissaqarnissaanik periarfissiineq taamaaliornikkut sanaartorfissat annertunerit pilersinneqarlutik.
- Sanaartorfinnik pioreersunik ineriartornissamut sinaakkusiliisumik avatangiisimik uumassusilimmik pilersitsineq.
- Sanaartorfissanik atugassiinissaq, sisamanik quleriilinnik sanaartornissamut periarfissaqarfiusunik.
- Angallannikkut isumannaatsuunissap qulakkeernissaa aamma pisuinnaat assigisaallu immikkoortukkoorsinnaanerisa pitsaanerulernissaa. Tassunga ilanngullugu Nuussuup Mannguanut atassutaasup attatiinnaqarnissaa pitsaanerulersinneqarnissaalu.
- Nakkutilliisunut illut immikkoortumi pilersinneqarnissaanut periarfissaq atorunnaarsinneqassasoq.

1.3 PISSUTSIT PIOREERSUT

Pilersaarusiorfik 7,6 ha missaanniippoq. Immikkoortoq kangerliumaniuvoq nunniugaq kimmuk quassugaq, 2C2 Issortarfik aamma avannamut aamma kangimut, 2D3 Nuussuarmi inissiaqarfimmuk killeqarpoq. Immikkoortoq kujataata tungaanut, 2B3 Sarfaannguit aqqusernata tungaanut, inuussutissarsiuteqarfiusumut aamma umiarsualiveqarfiusumut kiisalu 2E2 Innaallagissiorfimmuk killeqarpoq.

Pilersaarusiorfik, Industrivej, assigiinngitsunik atuuffeqarpoq ilaatigut inuussutissarsiuteqartunut sullissisuullutillu innuttaasunik aamma sullitaqartunik.


Immikkoortoq peqqumaasiveqarfittut, sannaveqarfittut, biileerniarfittut, angallassinermut aammalu siammarterinermut, suliffeqarfinnut ataasiakkaanut, allaffeqarfinnut aamma aalajangersimasunik nioqquteqarnermut atorveqarpoq.



Takussutissiaq 2. Umiarsualiveqarfiusumi pissutsit pioreersut kujataata tungaanilu innaallagissiorfikkut avannarpiaani Nuussuup Mannguata tungaanut.

Sanaartukkat


Immikkoortumi sanaartukkat angissutsimikkut isikkumikkullu assigiinngiaartiterput. Annertussutsimikkut inuussutissarsiuteqarfiit assigiinngiaarput ataasiakkaaniit imminnut ataqatigiiaanut marlunnik-pingasunik quleriilinnut, ilai nakkutilliisunut inissiaqarlutik atasunik. Illut angissusai, ilusai, manissunik qalissiaqarneri, atortut aamma illup silatai sumiiffimmut aamma inuussutissarsiorfimmut ilisarnaataapput.



Takussutissiaq 3. Illup saqqaata immikkoortup nunami inissisimanagera takutippaa.

Nunap ilusaa:

Industrivej qoorortap qinnguani inissisimavoq qaqqat innaanik kimmut, avannamut kangimullu avalequteqartumi. Qaqqat kimmut aamma avannamut innai qaartiterinikkut pilersinneqarput. kimmulli pinngoqqaatiminik sivinganeqarpoq. Qaqqap innaarsuunerisa allisitsinissamut periarfissat killilersimassavai, immikkoortunullu ungalutut killeqarfittullu atuutissallutik.



Takussutissiaq 4. Qullermi saamerlermi assimi Nuussuup Mannguanut aqqusineq takuneqarsinnaavoq, qullermi talerperlermi assimi aqqu tip industrivejimut atassutaa silami inisivinnit asserneqarsimanera takuneqarsinnaalluni. Taamaasilluni aqqu tip atassuseerulluni.

Assimi allerpaami saamimmi aqqu immikkoortumit Nuussuarmut atassusiisoq takuneqarsinnaavoq Immikkoortuni allani nunaminertamik piginnittut nunaminertani tunniunneqarsimasuniipput taamaasilluni

Angallannermut pissutsit

Industrivej Sarfaannguani pingaarnertut aqquteqartinneqarpoq, taanna kangimut sullorsuaq aqqusaarlugu Iggiaanut, Qeqertanut ingerlaqqippoq.

Kimmut Sarfaannguit aqqu taata aqqusineq 400-rtalik naapippaa, taanna Nuup qeqqanut pilersaaruseriusumut attaveqarpoq.

Industrivej aalajangersimasunik nioqqutilinnik pisiniarfeqartiterpoq, taamaattumillu angallaffiulluurtuavoq pisuinnarnit bilertunillu. Aasaanerani Industrivej aamma nunakkut aqqusineeqqanut Nuussuup Manngua immikkoortumut sukisaarsaarfiusumut, avannaatungaaniittunut, attaveqartarpoq. Pilersaaruserifimmi bilinik oqimaatsunillu angallanneq pingaartinneqarput. Pisuinnaat assigisaallu Industrivej sinerlugu aqqusineeqqap nalunaarneqanngitsup kangiatigut ingerlasarput. Tamanna immikkoortut ataatsimoorfiusut inissiinermut atorneqarneratigut annertunerusumik paatsiveerutsitsinnaavoq.




Takussutissiaq 5. Aqqusernup sinaani inissiineq pisuinnaat aqqutaanik assiisoq, taamaasilluni pisuinnaat aqqusinnikkoortariaqalernerat assimi takuneqarsinnaavoq.

1.4 PILERSAARUMMI PINGAARNERIT

PILERSAARUSIAP ALLAASERINEQARNERA

Sanaartukkat

Kommunimut pilersaarummut tapiliussami sanaartorfiit sanaartukkallu sisamanik quleriillit periarfissineqarput. Illup sammiviinut piumasaqaateqartoqangilaq, taamaasillutik suliaqartut annerusumik atugaqarsinnaassapput inissamillu atuisinnaanerunissamut periarfissaqassallutik. Tamanna immikkoortumik allanngorartitsisuusaaq, najukkamilu pisariaqartinneqartut malillugit ineriartortitsineq qulakkiissallugu.



Takussutissiaq 6. Illup saqqaata sanaartorneq aqqusinerlu takutippaa. Qernertoq: Maannakkut sanaartugaareersut Qasersoq: Sanaartorfiusinnaasut. Uuttuutit tamarmik meterimut uuttugaapput.

Nakkutilliisunut inissiat


Kommunimut pilersaarummut tapiliussakkut matumuuna nutaanik nakkutilliisunut inissialiornissaq sumiiffimmi periarfissaassanngilaq. Inuussutissarsiuqarfimmi najugaqarfeqartitsinissaq naapertuutinngitsutut nalilerneqarpoq. Nakkutilliisunut inissiat pioreersut peerneqassagaluarpata pilereqqinneqarsinnaatitaassaangillat.

Angallannermut pissutsit

Suut tamarmik ataatsikkoorfianni biilit, usisaatit, containererpassuit, pisuinnaat, aammalu biilit uninngasarfiinik amigaateqarneq kiisalu aqquserngit agguataarnerisa erseqqinnginnerat sumiiffimmi atuisunut paatsiveerutsitsisarput.

Immikkoortoq pisinnaarnit atornerqartarpoq, putorsuarmut 400-rtalimmullu paarlatsit. Taamaattumik pingaaruteqarpoq aqusernup sinai pisinnaarootut sanaartorfigineqannginnissaat, taamaasillutik aqquasermukannnginnissammata angallannerillu oqimaatsut ingerlaqatigilinnginnissammattikkitt.

Kommunimut pilersaarut 2032 naapertorlugu immikkoortut inuussutissarsiorfiusut pisariaqartinneqartut qorsooqqinnernit ajornerulersitsinatik matussuserneqassapput. Tamatuma imaraa attaviit pioreersut tikinneqarsinnaaneri ersarissuunerilu atuutiinnassasut.



Takussutissiaq 7. Takussutissiami attaviit pioreersut takuneqarsinnaapput.

ILLULIORTAASEQ

Kommunalbestyrelse Illuliortaatsimut Politikkimik akuersissuteqarnikuuvoq, tassani kommunimi ilaatigut nutaanik sanaartornermi naleqartinneqartut allassimallutik.

Naleqartitat ilagaat:

ILLOQANNGINNERSAT ILLOQARFIMMILU INUUNEQ

- illoqarfitta nunaqarfittalu tamatigoortuulernissaat, pitsaasunik toqqiissimanartunillu kikkunnnulluunniit atuuttunik illoqannginnersaqarnissaat

- illoqannginnersat pigisavut ukiut inuunermilu qanoq inissimaffeqarneq apeqqutaatinnagit orniginarsarneqarsinnaassasut, illoqannginnersanilu inuit biilinit salliutinneqarnerullutik.





PIFFISSAQ SUMIIFISSARLU

- nunap ilusaa pioreersoq sumiiffimmilu silap pissusia aallaavigalugit pilersaarusiortoqassaaq, sanaartortoqarluni atortulersuisoqarlunilu.

NUNARSUARMİ ANGUNIAKKAT

2019 aallartilaartoq Kommunalbestyrelsimit akuersissutigineqarpoq, FN-ip piujuartitsinissaq pillugu nunarsuarmut anguniagaasa 8-t aallunneqarnissaat. Kommunimut pilersaarummut tapiliussami makkua pineqarput:



	ANGUNIAGAQ	QANOQ
	ANGUNIAGAQ 3: PEQQISSUSEQ INUUNERISSUUNERLU	Angallannikkut isumannaallisaaneq annertusineqassasoq, pisuinnarnut sikkilertunullu, inuit biiliinut angallassissutinullu oqimaatsunut uniffissalersuinissamut periarfissaqartillugu, taamaalilluni sumi tamaani uninngatitsisarnissaq killilersimaneqarniassamat.
	ANGUNIAGAQ 8: SULIFFIIT NAAPERTUUTTUT ANINGAASAQARNIKKULLU SIUARIARTORNEQ	Pinngortitaq avataatungaaniittoq inuussutissarsiuteqarfimmiit avatangiisimut akornusersuutaaqqunagu isumannaallisarneqassasoq.
	ANGUNIAGAQ 9: SULIFFISSUAQARNEQ, NUTAALIORNEQ AAMMA ATTAVEQAATIT	Sanaartorfinnik ataatsimuulersitsinermik periarfissiineq.
	ANGUNIAGAQ 11: ILLOQARFIIT NAJUKKALLU INUIAQATIGIIT PIJUJARTITSISUT	Pilersaarummut tapiliussap illoqarfimmi immikkoortut tamanit atorneqarsinnaasut sukisaarsartarfiillu tamanit angallaffigineqarsinnaaner at uninngaarfineqarsinnaanerallu qulakkiissavai.

1.5 PISSUTSIT PILERSAARUSIANUT ALLANUT TUNNGASUT

1.5.1 NUNA TAMAKKERLUGU PILERSAARUSIORNEQ

Pilersaarummut tapiliussaq nuna tamakkerlugu pilersaarusiortarnermut naapertuuppoq.

1.5.2 KOMMUNIMUT PILERSAARUT

Kommunimut pilersaarummut tapiliussamut siunnersuut kommunimut pilersaarummut atuuttumut naapertuuppoq.

1.5.3 QANGANITSAT ERIAGISASSAT IMAALIALLAANNARLUGIT PEERNEQARSINNAANGITSUT

Sumiiffimmi qanganitsanik eriagisassaqaqarnersoq Kommuneqarfik Sermersuumit ilisimaneqanngilaq. Sumiiffimmi nunami suliaqarneq Eqqissisimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq naapertorlugu pissaaq.

1.5.4 AVATANGIISEQ

Assaanermi paasinarsippat immikkoortumi nuna mingutsitaasoq Kommuneqarfik Sermersooq erngertumik ilisimatinneqassaaq.

Eqqakkanik avatangiisinut navianaatilinnik suujunnaarsitsinerit, assersuutigalugu issoq uuliamik mingutsinneqarsimasoq, kommunimi eqqagassalerineq pillugu malittarisassat aamma suliaasaqarfik tamanna pillugu inatsisit naapertorlugit pissapput.

1.5.5 TEKNIKIKKUT PILERSUUTIT

Sanaartukkat nutaat pisortat innaallagissamut imermullu kuuffissuarnut aamma kiassarnermut pilersuutaanut attavilerneqassapput.

Innaallagissamik, imermik kissamillu pilersuinerneq aqqutit aamma kuuffissuit nunap iluatigoortinneqassapput.

Immikkoortup ilaani pisortat teknikikkut atortulersuutaat, soorlu immikkoortup ilaanut pilersuinerneq sakkortusaaviit inissinneqarsinnaapput. Nukissiorfiit siunersiorlugu sakkortusaaviit inissinneqassapput.

KIASSARNEQ

Immikkoortup kiassarneqarnissaa Nukissiorfinni malittarisassat malillugit pissaaq.

KUUFFILERSUINEQ

Inissialiat imikoq pillugu iliusissatut pilersaarut naapertorlugu pisortat kuuffissuaataannut attavilerneqassapput.

Nunap qaavani imeq, tamatumunnga ilanngullugu imeq illup qaavanit kuuttoq kuuffissuartigoortinneqassanngilaq, kussinernulli kuutsinneqassalluni, taamaasilluni immikkoortumi sanaartukkanut allanut, pisuinnaat aqqutaannut, aqqusinernut sanaartorfiunngitsunullu akornusersuutaassanani.

EQQAAVILERINEQ/ANARTARFILERINEQ

Immikkoortoq Kommuneqarfik Sermersuumi eqqagassalerinermut aaqqiinnermut malittarisassanut sukkulluunniit atuuttunut ilaatinneqarpoq.

APUTAAJAANEQ APUTILLU ASSARTORLUGU PIIARNEQARTARNERA

Immikkoortup ilaani eqikkaanikkut aputinut kueraavimmik peqarnissaq periarfissaavallaassanngilaq. Taamaattumik immikkoortup iluani aqquserngit, biilnut inissiiviit, pisuinnaat aqqutaat nunaminertallu sanaartorfiunngitsut aserfallatsaaliorneqarnissaat siunertaralugu peqatigiiffimmik peqariinngippat, pilersitsisoqassaaq. Piginnittut peqatigiiffiata tassunga maleruagassartik namminneq aalajangersarsinnaavaat. Kommuneqarfik Sermersooq isumasioqatigalugu aput piiarneqartassaaq.

SANAARTORFISSAGISSAANERMUT ANINGAASARTUUTIT

Immikkoortumi sanaartorfissagissaanermut aningaasartuutit illuatungeriillu akornanni agguataarneqartussat akilersuinissamut malittarisassani immikkut ittuni takuneqarsinnaassapput.

1.5.6 PILERSAARUTINIK ATORUNNAARSITSINEQ

Matumani Kommunimut pilersaarutissatut siunnersuutip 2B1-2 akuersissutigineqarneratigut 2B1-1 atorunnaarsinneqassaaq

1.5.7 TAMANUT SAQQUMMIUSSINEQ

Siunnersuut sapaatip-akunnerini arfinilinni tamanut tusarniaassutigineqassaaq, piffissami 8. februaarimiit – 20. marsimut 2023.

1.6 PILERSAARUMMUT TAPILIUSSAP INATSISITIGUT SUNNIUTAI

1.6.1 INATSISITIGUT SUNNIUTAAGALLARTUT

Kommunimut pilersaarummut tapiliussassatut siunnersuutip tamanut saqqummiunneqareernerani nunaminertat, illut sanaartukkallu siunnersuummi pineqartut illuliorfigineqassanngillat allatigulluunniit kommunimut pilersaarutip imaluunniit kommunimut pilersaarummut tapiliussap inaarutaasup imarisaanut sioqqutsisutut isikkoqarsinnaasumik iluaqutiginiarneqassanatik (Pilersaarusiornermut inatsit § 31).

Akerliliisinnaanermut piffissaliussap naareernerani, piffissaagallartillugu akerliliissutinik tigusaqartoqarsimanngippat nunaminertap siunnersuummi pineqartup, siunnersuummut naapertuuttumik illuliorfigineqarnissaa imaluunniit allatigut iluaqutigineqarnissaa Kommunalbestyrelsip akuerisinnaavaa (Pilersaarusiornermut inatsit § 31 imm. 2).

Inatsisitigut sunniutaagallartut kommunimut pilersaarummut siunnersuutip tamanut nalunaarutigineqarnissaata tungaanut atuutissapput - taamaattorli siunnersuutip saqqummiunneranit sivilunerpaamik ukiumi ataatsimi. (Pilersaarusiortarnermut inatsimmi § 31 imm 3).

1.6.2 INAARUTAASUMIK INATSISITIGUT SUNNIUTIT

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerit.

(Pilersaarusiornermut inatsimmi § 29).

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (Pilersaarusiornermut inatsimmi § 30).

Pisulli ilaanni aalajangersakkanit sukumiisunit nikingasoornerit annikinnerusunut immikkut ittumik akuersissuteqartoqarsinnaasarpoq. Nikingasoornerit pingaarnert aamma aalajangersakkanit pingaarnert nikingasoornerit pissutigalugit nutaamik kommunimut pilersaarummut tapiliussaliortoqassaaq. (Pilersaarusiornermut inatsimmi § 50).



Nunaminertanik, illunik atortunillu manna tikillugu unioqqutitsinani atuinerit ingerlaannarsinnaapput, akerlianilli illunik atuinerit allannngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat. Kommunimut pilersaarummut tapiliussap malitsigisaanik imaanngitsoq nunaminertat, illut atortulersuutillu pilersaarummi ilaatinneqartut, pilersinneqassasut.

2 AALAJANGERSAKKAT

Matumuuna Pilersarusiortarneq nunaminertanillu atuineq pillugit Inatsisartut inatsisaat nr. 17, 17. novembari 2010-meersoq" (Pilersarusiorneq pillugu inatsit) kingusinnerusukkut allannguutitalik naapertorlugu aalajangersakkat tullinnguuttut makku Kommunalbestyrelsimit aalajangersarneqarput.

Aalajangersakkat § 20 aalajangersakkanut pingaarnernut aamma § 21 aalajangersakkanut sukumiisunut avitaapput.

Aalajangersakkat tamarmik inatsisitigut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnert pilersaarummi tunngaviusumik tunngaviupput, taamaattumillu aalajangersakkanit taakkunannga immikkut ittumik akuersissuteqartoqarsinnaanngilaq.

§ 20. AALAJANGERSAKKAT PINGAARNERIT PIOREERSUT	§ 20. AALAJANGERSAKKAT PINGAARNERIT NUTAAT
IMMIKKOORTUP ILAATA KILLILERSORNEQARNERA	
 <p>7,56 Ha</p>	 <p>Immikkoortup ilaa 2B1 7,6 Ha missaanik angissusilimmik nunataqarpoq.</p>
1. SIUNERTAQ	
Immikkoortoq B, Inuussutissarsiut	Inuussutissarsiorfiit (B1)

2. IMMIKKOORTUP ATORNEQARNERA	
Immikkoortup atorneqarnissaa inuussutissarsiornermut siunertanut, soorlu suliffeqarfinnut mingutsitsivallaartunut (kapitel 5 suliffeqarfiit), inuussutissarsiutinut, toqqorsivinnut, allaffeqarfinnut, aalajangersimasunik nioqqutilinnut aammalu tamanut kiffartuussinernut aalajangersarneqarpoq.	Immikkoortut inuussutissarsiorfittut siunertallit allaffinnut, entreprenøreqarfinnut, toqqorsivinnut aamma quersuarnut, assassornermik suliaqarfinnut, sannavinnut, angallassissutinut, tunisassiorfinnut, suliffissuarnut, ilioraaffinnut, amerlasuunik pisiniarfinnut teknikkikkullu atortulersuuteqarfinnut ator neqarsinnaapput. Immikkoortup ilaani nakkutilliisunut inissialiortoqarsinnaanngilaq Nakkutilliisumut inissiat peerneqassagaluarpata pilerseqqinneqarsinnaatitaassaangillat.
3. SANAARTUKKAT	
Nutaamik sanaartornermi quleriit sisamat angullugit portutigisumik illuliortoqarsinnaavoq. Nutaamik sanaartortoqartillugu eqqaamiorisap killeqarfianit 5 m-inik aamma inuussutissarsiuteqarfinmi aqqusinnermut 2 m-inik qaninnerunnginnissaq eqqumaffigineqassaaq.	Inissiat 4-nik qulereeqarsinnaapput, nunamiit portussusaa portunerpaamik 21 meteriussaaq (illoqarfimmi MSL).
4. INISSAQASSUSEQ	
Immikkoortoq 7,56 hektarit missiliorlugit annertussuseqarpoq tamakkiisumillu sanaartorfigineqarsimalissaaq sanaartorfissiat sanaartorfigineqarpata naleq. aalajangersakkat.	Immikkoortoq 7,6 hektarit missiliorlugit annertussuseqarpoq tamakkiisumillu sanaartorfigineqarsimalissaaq sanaartorfissiat sanaartorfigineqarpata naleq. aalajangersakkat.
5. ERIAGISARIAQARTUT	
Immikkoortumi eriagisarialinnik mianerisassaqanngilaq.	Immikkoortumi eriagisarialinnik mianerisassaqanngilaq.
6. IMMIKKOORTUT PIUMASAQAATEQARFIUSUT	
Mittarfiup eqqaani immikkut ittumik aalajangersagaqarpoq, mittarfiup tallissutaatut atuuttunik,	Mittarfiup eqqaani immikkut ittumik aalajangersagaqarpoq, mittarfiup tallissutaatut atuuttunik, narlorissup iluani aamma nunap immamit qatsinnerussusianut aalajangiussat

nallarissup iluani aamma nunap immamit qatsinnerussusianut aalajangiussat iluanni mikkiartornermi qangattalernermilu akornutaasoqaqqunagu. Immikkoortoq mittarfimmut aporfeqanngitsup ataaniippoq narlorissullu inissisimanerata ilaanut ilaalluni, tassani illut nunamiit illuliat nuuata tungaanut 127,5 qaangerlugu sanaartoqqusaanatik aqquserngillu sanaartorneqarnerini 121,5 qaangeqqusaanagu.	iluanni mikkiartornermi qangattalernermilu akornutaasoqaqqunagu. Immikkoortoq mittarfimmut aporfeqanngitsup ataaniippoq, narlorissullu inissisimanerata ilaanut ilaalluni, tassani illut allallu immamit qatsissuseq 127,5 qaangerlugu sanaartoqqusaanatik aqquserngillu sanaartorneqarnerini immamit qatsissuseq 121,5 qaangeqqusaanagu.
7. AQQUSINERMI ANGALLANNEQ TEKNIKKIKKULLU PILERSUUTIT	
Immikkoortoq Sarfaannguaniiit aamma Industrvejimiit aqquseqartinneqassaaq.	Immikkoortoq Sarfaannguaniiit aamma Industrvejimiit aqquseqartinneqassaaq.
8. ILLOQARFIMMIK NUTARTERINEQ	
Kommunimut pilersaarummut tapiliussami immikkoortumi suliffissuaqarfiup nutarteriartuaartinnissaa /eqitertikkiartuaartinnissaa periarfissaavoq.	Kommunimut pilersaarummut tapiliussami immikkoortumi suliffissuaqarfiup nutarteriartuaartinnissaa eqitertikkiartuaartinnissaa periarfissaavoq.

§ 21. AALAJANGERSAKKAT SUKUMIISUT

1. SANAARTUKKAP INISSISIMAFFIA

Imm. 1: Sanaartukkat nutaat llanngussaq 2-mi sanaartorfissatut takutinneqartut iluannut inissinneqassapput.

Imm. 2: Sanaartorfissat ataatsimoortinneqarsinnaapput, taamaaliornikkut nunaminertaq atorineqarsinnaasoq annertuninngortinneqarsinnaalluni.

2. SANAARTUKKAP ISIKKUA

SILATAASA ISIKKUI

Imm. 1: Aqqusernup saaniittut illut silatai industrvejimut sammisut kajungernartuussapput igalaallit ersarissumillu isertarfillit. Inunnik najuuffiusartumik pisiniartunit ornigarneqartartumit inuussutissarsiateqarnermi, aqquserngup nalaani illup saavi 30%-i igalaaqassapput.

Imm. 2: Illut silatai qisunnik assiaquersorneqassanngillat.

Imm. 3: Illut silatai igalaaminernit eterninit, savimminernit betoninilluunniit sanaajusinnaapput. Illup silatai qinngorneqarlutik inngianartuutinneqassanngillat annerpaamik qillarissuseq 40 atorineqassaaq.

Imm. 4: Silataatigut qalipaaitit neonimik sakkortuumillu qalipaateqassanngillat.

QALIAT

Imm. 5: Qaliat minnerpaamik 7 gradinik uinganeqassapput qalissiamik taartumik, qisunnik silataataluunniit atortuisa assinginik atortoqarluni ilusilersorneqassaaq annerpaamik qillarissuseq 40 atorineqassaaq.

Tamakkunani pineqanngillat aneerasaartarfiit assigisaallu atortussiat allat atorlugit uinganeqanngitsunillu sananeqarsinnaasut.

Imm. 6: Seqerngup qinngornerinik katersuissutit, seqinnisaatit assigisaallu illup qaliata iigaataluunniit ilaatut ilanngunneqarsinnaapput aamma eqqaamiunut saneqquasunullu inngiasutsitsissanngillat.

IGALAAAT MATULLU

Imm. 7: Igalaat qalipanneqaratillu nipititeriffiqineqassanngillat.

SILAANNARISSAATIT

Imm. 8: Silaannarissaatit teknikkikkullu atortut allat illup ilusaanut ilaatinneqassapput Industrivejimiillu takuneqarsinnaassanngillat.

ALLAGARTARSUIT

Imm. 9: Allagartarsuit illup ilusaa titartarneqarneralu naapertorlugit ilusilersorneqassapput. Allagartarsuit 5 m²-mik angitigisut Kommuneqarfik Sermersuumiit akuerineqaaqassapput.

Imm. 10: Illuni ataasiakkaani suliffeqarfiit illumiittut pillugit taamaallaat allagartarsualiisoqarsinnaavoq.

Imm. 11: Allagartat ammut qinngorneqartillugit qullilersugaassapput aammalu qulliit nikerartuussanngillat. Allagartat fjernsynskærme-ussanngillat, qameqattaartuunatik imaluunniit qaamanerisa sakkortussusii nikerartuunatik.

3. AQQUSERNGIT AQQUSINEEQQALLU

Imm. 1: Kommunimut pilersaarummi aalajangersakkat atuuttut malillugit Industrivej sumiiffimmi aqquittut nalunaarsorsimavoq.

Imm. 2: Sanaartorfinnut tamanut aqquteqarnissaa qulakkeerneqassaaq.

Imm. 3: Aqquittit unittarfiillu ataatsimoorussat nunaminertanik piginnittunit isumaqatigiissutigineqassapput.

Imm. 4: Kommunimut pilersaarummi aalajangersakkat malillugit sanaartornermi sanaartorfiusuni biilinut inissiisarfimmik pilersitsisoqassaaq.

Imm. 5: Avannamut kangiatigut, avannamullu kitaatigut Nuussuup Mannguanut Mannguamullu aqquiti ilanngussaq 2 najoqqutartalugu qulakkeerneqassapput.

4. NUNAMINERTAT SANAARTORFIGEQQUSAANNGITSUT SUNNGIFFIMMILU ATORTULERSUUTIT

Stk. 1: Silami inissiiviit sanaartorfigisamiitinneqassapput nunaminertallu sanaartorfiunngitsut torersuutinneqassallutik.

5. TEKNIKKIKKUT ATORTULERSUUTIT

Imm. 1: Sanaartukkat nutaat innaallagissamut, imermut, kiassarnermut aqqutitut kuuffissuarnullu attavilerneqassapput. Immikkoortup kiassarneqarnissaa Nukissiorfinni malittarisassat malillugit pissaaq.

Imm. 2: Pilersuineranut aqquiti tamarmik soorlu innaallagissamut, imermut, kiassarnermut kuuffissuillu nunap iluatigoortinneqassapput.

Imm. 3: Errorfinnit imikoorut kuuffissuakku kuutsinneqassaaq. Anartarfimmiit imikoorut kuuffissuutigut kuutsinneqassanngilaq. Suliarinninnermi imeq kuuffinnut attavilerneqassanngilaq immikkut ittumik akuerisaasimannngikkaanni. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusinernut, aqqusineeqqanut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.

Imm. 4: Kusserngit pioreersut qallerneqassanngillat.

Imm. 5: Nukissiorfiit siunersiorlugu teknikkikkut artortut soorlu sakkortusaaviit inissinneqassapput.

Imm. 6: Pingajuannit ledningiliisinnaaneq eqqarsaatigalugu, ledninginik piginnittumut aningaasartuutitaqassanngilaq, aammalu ledninginik piginnittoq taamaallaat isumasiornertigut pissalluni.

Imm. 7: Immikkoortoq Kommuneqarfik Sermersuumi eqqagassalerinermut aaqqiinermut malittarisassanut sukkulluunniit atuuttunut ilaatinneqarpoq.

6. NUNAMINERTAT SANAARTORFIGINEQANNGITSUT

Imm. 1: Aputinik inissiiartorneq immikkoortup iluinnaani pissaaq allamilu inissiisoqarsinnaanani Kommuneqarfik Sermersuumit immikkut akuersissuteqartinnani,

Imm. 2: Aputit katersuussimasat immikkoortumi ulluinnarni atuuffinnut akornutaassanngillat. Tamanna malinneqanngippat Kommuneqarfik Sermersuumit aput allamut peerneqassaaq nunaminertamik atugassinneqartup akiligassaanik.

Imm. 3: Silami inissiiviit ungaluuserneqassapput Kommuneqarfik Sermersuumillu akuerineqassallutik.

7. ERIAGINNINNEQ

Immikkut ittunik aalajangersagaqanngilaq.
8. PINNGORTITAMIK ILLERSUINISSAMIK SOQUTIGISAT
Immikkut ittunik aalajangersagaqanngilaq.
9. NUNALERALUNI NUNAMIK ATUINISSAMIK SOQUTIGINNINNERIT
Immikkut ittunik aalajangersagaqanngilaq.
10. ATAATSIMUT ATORTULERSUUTIT
Immikkut ittunik aalajangersagaqanngilaq.
11. PIGINNITTUT PEQATIGIIFII
Immikkut ittunik aalajangersagaqanngilaq.
12. AVATANGIISIMIK MINGUTSITSINERMI KILLISSARITITAASUT
Immikkut ittunik aalajangersagaqanngilaq.
13. SANAARTUKKAT NUKISSAMIK ATUINIKITSUT
Immikkut ittunik aalajangersagaqanngilaq.
14. ATUILERNISSAMUT PIUMASAQAAT
<p>Imm. 1 Sanaartukkat nutaat aatsaat tulliuttut naammassineqarpata atorneqarsinnaangussapput:</p> <ul style="list-style-type: none"> - Pisortat pilersuutaannut attavilernerit pereerpata - Nunagissaaneq inaarutaasumik naammassineqarpat <p>Piffissap sanaartoriusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.</p>

3 AKUERSISSUTEQARNERMUT UPPERNARSAAT

Siunnersuut, kommunimut pilersaarummut tapiliusaaq 2B1-2 Industrivej, Kommuneqarfik Sermersuumi Aningaasaqarnermut Ataatsimiititamit matumuuna akuersissutigineqarpoq, ulloq 19. januaari 2023 aamma sapaatip-akunnerini arfinilinni tusarniaassutigineqassaaq.

Kommuneqarfik Sermersooq ulloq.


Avaaraq Olsen

/

Ole Jakobsen

Borgmesteri
Kommunaldirektøri

Siunnersuutitut tamanut saqqummiunneqassaaq, ulloq 8. februaari 2023.




KOMMUNEQARFIK SERMERSOOQ
 Sanarfinermut Avatangisinnullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq 2B1-2
 Kommuneplantillæg 2B1-2

ILANNGUSSAQ 1 / BILAG 1
IMMIKKOORTOQ 2B1 / DELOMRÅDE 2B1

Januári / Januar 2023
 Uutuut / Mål: 1:2000



KOMMUNEQARFIK SERMERSOOQ
 Sanarfinermut Avatangiiisnullu Ingerlatsivik
 Forvaltning for Anlæg og Miljø

Kommunimut pilersaarummut tapiliussaq 2B1-2
 Kommuneplantillæg 2B1-2

ILANNGUSSAQ 1 / BILAG 1
SANAFFISSARTAT / BYGGEFELTER

Januári / Januar 2023
 Uutuut / Mål: 1:2000
 A4